

نشطاء التواصل يفضحون كذب "الدفاع" ويسخرون من فيديو "أكبر خلية تهدد الأمن القومي"




السبت 11 يوليو 2015 12:07 م


استنكر العديد من رواد موقع التواصل الاجتماعي "فيس بوك" الفيديو الذي نشرته وزارة الدفاع حول القبض على أكبر خلية إرهابية تهدد الأمن القومي، واصفين إياه بـ "الكارثي".

بداية تقول الآء الطويل شقيقة إسراء الطويل: "بعد ما عدا 40 يوم منهم 15 يوم خطف بين المخابرات والنيابة العسكرية والتعذيب والضرب والتعليق والكهرباء لدرجة صهيب يقول انه مكانش بيقدر يقول آه مطلعين الفيديو ده !! صهيب اللي كان مخلي سبيله على ذمة القضية المعروفة باسم خلية الماريوت ، وكان تحت المراقبة ويروح كل يوم بنفسه للقسم يمضي ، وبعد مافضى سنة واربعة شهور سجن ظلم كان طالع عايز يعوض الحياة الي اتحرم منها وكل انشطته كانت فسح وأكل ولعب مع اسراء وعمر!!".
وأضافت: "اتخطفوا وهما خارجين من قدام تشيليز من يوم 1 يونيو وفجأة بنا صهيب مقبوض عليه في أكبر خلية إرهابية تهدد الأمن القومي !!!
المحترف اللي بيعمل ايديتنج للفيديو مخدش باله وهو بيبيض جبهة صهيب و خده ان كذا اثار التعذيب مختفتش ، وصورة عمر اللي واضح فيها جدا التعذيب".


وتابعت: "عمر اللي لحد انهارده بيقدرش يحرك ذراعه من اثار التعليق والتعذيب ورفض ادارة السجن اجراء كشف طبي ليهم لاثبات الحالة او حتى دخول ادوية ! ... هوا الارهاب بقا بيتحارب اني اخطف سلميين من الشارع اخفيهم واعذبهم ايام عشان اجبرهم يحفظوا اعترافات ويسمعوها قدام الكاميرا؟ والله مافيه حاجة تتقال !!".



وأضافت "دعاء الطويل": "#صهيب_سعد و #عمر_محمد اللي اتخطفوا مع إسراء من يوم 1 يونيو - بعد إخفاءهم وقطع أخبارهم عن أهلهم تمامًا لأكثر من أسبوعين اتعذبوا فيهم واتعلقوا واتكهربوا لإجبارهم على الاعترافات الخائبة دي ورفض توقيع الكشف الطبي عليهم لإثبات تعرضهم للتعذيب حتى بعد نقلهم للسجن.. بعد 40 يوم إنهاردة وزارة الدفاع بتنشر على التلفزيون وعلى قنواتها الفيديو ده تحت عنوان القبض على أكبر خلية إرهابية تهدد الأمن القومي!".




وتابع "Yasser Zakaria": "عبدالله نور وصهيب سعد و أحمد الغزالي و عبدالرحمن البيلي من أنصف الناس في البلد ده يا أنجاس .. الفيديو أقل ما يقال عنه انه كارثي ..حسبنا الله ونعم الوكيل".




وواصل "Mohamed Shehata Khattab": "البيلي .. بقي إرهابي .. لا حول ولا قوة إلا بالله .. تلفيق تهمة تحت التعذيب".




واستكمل "Mokhtar Mounir Himidah": "عنوان الفيديو غريب أكبر خلية تهدد الامن القومي !!؟؟ السؤال بقي امال أنصار بيت المقدس اللي في سينما وكل الارهابين اللي في سينما دول اصغر خلية ارهابية مثلا انتوا حتي مش قادرين تحترموا عقول الناس في التلفيق والفبركة".




وذكر "Amr Sobhy El-said": "يا رب احنا مش عارفين نعمل حاجة فى الجنون ده ، يا رب انت القادر واحنا اعيتنا كل الحيل. فك الكرب يا رب احنا مش قادرين نكمل كدة".




وكتب "Abdullah Elshamy": "أوكازيون أكبر خلية ارهابية في كوكب مصر آثار التعذيب بادية بوضوح على الموجودين في الفيديو منهم صهيب سعد".



واستطرد "Ahmad Abd Allah": "حسبي الله و نعم الوكيل ، العيال دي مظلومة".



وعلقت "Heba Mohd": "الولدين اللى اسمهم عمر وصهيب دول انقبض عليهم من شهرين وهما بيتمشوا من غير اى تهمة ازاي دلوقت ظهروا فجأة فى قضيه زى دى اخترموا عقولنا شويه انا متابعه قضيتهم من ساعه ما اتقبض عليهم".



وبث الموقع الرسمى لوزارة الدفاع، فيديو جديدا من إنتاج الشئون المعنوية للقوات المسلحة، حمل عنوان «القبض على أكبر خلية إرهابية تهدد الأمن القومى».

وقدمت بالفيديو الأسماء واعترافات منسوبة للمشاركين فى عمليات اغتيال مزعومة استهدفت مسؤولين وعمليات تخريب لمحاولات كهرباء واتصالات بحسب وزارة الدفاع.

طالع أيضا: [وزارة الدفاع تنشر مقطع لمخطوفين قسريا يعترفون بجرائم لم يرتكبوها](#)